

寧都縣志

寧都縣志卷七

記事

祥異

兵寇

雜說

附述曰怪力亂神聖人不語蓋爲世道人心防也然氣運循環妖祥□見世所恒有而靈異詭誕駭人聞聽里父老文徃徃樂傳其說毋亦未可盡廢歟君子識微觀變鏡古林今亦備人事而已荒遠之言存而弗論可也

祥異

晉太元二十一年丙申正月木連理生縣社後

姜熙元年白鹿江出白鹿故名

齊建元四年壬戌三月白虎見

唐元和七年五月暴水平地高三四丈

宋大中祥符八年金精石嵯產瑞草松枝生瑞花知縣邢

芳繪圖以獻

景祐三年六月恒雨水溢

紹聖元年春疫夏大水漂廬舍

寧都縣志

卷七

記事祥異

二

元符元年大旱翼江有蒼龍拏黑雲晝見

嘉定十年夏四月積澇巨浸五月旱癘九月蝗害稼

嘉定十五年春正月疫旱種不入十六年五月再旱苗

就稿秋螟

元大德二年水旱減田租十之三

延祐二年乙卯八月地震三日

至元二年自春至八月不雨大饑

至元七年災十二月詔減租賦十之三

明洪武十五年春夏久不雨赤壤連境

正統九年縣治暴水漂蕩公牒

十三年大水舟入城

成化四年三江水合讖云三江齊狀元歸明年董越擢  
進士及第

五年春璜溪水作璜聲凡三日縣南有溪形如半壁  
名璜溪讖云璜溪聲如璜名賢出璜坊是年溪水作  
璜聲邑人董越果符之

十九年七月甘露降於胡易家是秋易領鄉薦後登  
第

寧都縣志

卷七

記事祥異

三

弘治九年久不雨秋無穫

正德四年秋禁鐘自鳴聲震城市

嘉靖九年夏四月大水舟入城市

十年九月禁鐘復鳴亡何鐘樓火

十一年八月太學生李玠妻一產四男

十二年大水移山溪大石漂蕩民居九月地震

十五年八月月下五色雲見

十七年八月有星如火自東流於西燧及虎陂下松  
山十月甘露降於小學栢樹其味如蜜

十八年霖雨連春夏四月彗星見五月詔蠲田租十之三是月雷震文廟柱

十九年大荒

三十三年民多灾病

二十七年大水舟入城漂蕩廬舍

四十年大水傾拱辰橋

四十四年冬至旦有地氣苳泮池畔騰出如霧識者謂文運復興之兆

隆慶三年甘露降於文明門城垣數十武其味如飴三

寧都縣志

卷七

記事祥異

四

月雷震奎光閣

六年冬十二月新開街大墻圯毖死百餘人事聞當道就其地建垂恤祠慰之

萬曆五年秋彗星見經月始滅

十五年大水

十六年荒冬疫

十七年夏秋間大疫死者無算時分守高公尚忠按邑捐俸施藥

十八年春夏荒民大疫

四十一年癸丑冬地震有聲

四十二年甲寅歲大饑巡撫王公佐請贛寧淮南二米俱從改折留米二萬餘石於本地民利賴之

天啓七年丁外大水平地數丈

崇禎丁丑年鷄翅生爪時有鷄生爪魚生毛合縣勦之  
謠庚寅縣城破

有婦產虎子吽喊而去產笑和尚如像塑者

國朝順治七年庚寅地震屋瓦皆動

十三年丙申大水冲破石橋

寧都縣志

卷七

記事祥異

五

十七年庚子六月寒有着絮衣者

康熙十三年甲寅屋上生黑小虫蔽椽瓦着人身甚痛  
堂室中擎蓋而坐

十四年乙卯山中竹結米實有賈人來市石數十兩  
十六年丁巳大水高數丈近河廬舍俱漂沒

十九年庚申長星如匹帛見西南兩月

二十二年癸亥五月天雨豆十月雨黑粟蝗蝻傷稼  
虎白日噬人日十數十一月大雪有凍死者

上鄉民家產三猪猪各有三口

四十三年甲申大饑

四十九年十一月翔旦平陽鄉璜山一帶遺雪花於地  
地平薄如眼鏡弦稜微分六瓣每瓣中分一直紋又各分人字細紋數年大稔

六十年辛丑大旱

雍正十一年癸丑八月燕十數萬集西南郊蓮池七日  
乾隆元年丙辰五月小佈竹篙嶺山水驟發衝塌二十  
三四八等都房屋三百餘間淹斃大小名口十二人  
並沿山溪田九十餘畝 邑侯鄭捐錢三十千米二

寧都縣志

卷七

記事祥異

六

十石賑濟外又詳請各 憲發存庫漕耗銀一百六  
十七兩二錢零黃陂社穀四十四担賑濟又奉 憲  
發贛關義倉穀一百七十五石零賑之民賴以濟九  
月東關大街失火延燒店房民居共一百四十餘間  
詳請各 憲賑濟動存庫漕項銀六十二兩六錢又  
動東關里仁倉社穀八十六石四斗灾民賴濟  
六年辛酉五月初四日連雨水盛漲是日長勝集衆  
争渡多載將濟舟沉溺死六十三人邑侯 鄭捐俸

殮卹

兵寇

梁大寶元年五月高州刺史李遷仕反遣帥杜平虜將兵入贛以逼南康陳霸先命主帥周文郁擊走之高涼太守馮寶妻冼氏襲破高州遷仕奔寧都寧都人劉藹等資以舟艦兵仗襲南康霸先遣杜僧明率二萬人拒之走平虜擒遷仕送南康斬之

宋紹熙二年己丑九月石城張遇龍文勝反於平固連破石城寧瑞興雩五縣安撫李壽明通判趙彥覃討平之

寧都縣志

卷七

記事兵寇

七

景炎元年文天祥開府南劍州經畧江西遣趙時賞等取寧都

文天祥由興國兵駐水口寧都人胡子文爲都統制迎天祥入其鄉天祥問地名荅曰陳坑天祥啟太后賜名都府祠中建鐘鼓二樓

元至元二十六年己丑廣賊鍾明亮掠寧都據秀嶺詔江西行省左丞管如德討之如德遣使招諭賊詣降

延祐二年乙卯四月寧都州蔡五九聚衆兔子寮五王廟張漢高旗幟殺趙州同圍州城燒四關勢甚猖獗

奏遣張驢討之五王廟者妖祠也像設極魔怪人莫敢側目土人類縛生口以祭我軍見之畏縮押錄王榮叔獨奮義火之三火三滅乃取婦人褻衣羃神首一火而燼遂平其地石城弓兵宋伏成於木麻坑擒五九伏誅

明嘉靖三十八年秋七月流寇泊東山埧縣發穀募民兵禦寇死者數百人

明末有稱安恪王者率數千人攻城城中忽炮響聲出衙前關聖祠內屋瓦沖動數行神面猶沾汗乃知

寧都縣志

卷七

記事兵寇

八

為神銃衆鼓舞奮擊各手殺數十人賊遂遁

國朝順治五年三月戊子溫應宣招集客綱入寇攻城嚴禦之遂逃遁

彭賀伯與里卷無賴彭達慶蔡作如蔡祥生馬松齡連茂子楊牛牯賴瑞瞻周善慶等結關聖會猖獗莫制至順治六年縣令田被害賀伯據縣城自署官爵邑罹其毒縣丞典史教官俱逸去七年庚寅二月孔鮒二將軍帥大兵克城斬賀伯等駐札寧城秋徐令到任建設營鎮地方以寧

六年己丑土賊宋惟耐張振寰江習成等嘯聚懷德鄉黃陂山寇響應居民廖保珍最驍勇賊畏之徑造其家求與盟保珍允諾惟耐草盟書振寰習成皆散立保珍佯取習成佩刀把玩良久遂手刃二人惟耐走及門劈柴者以斧砍之死持其首示衆賊諭令解散歸業地方獲安

郭達伯世居黃村驍勇絕倫走及奔馬數十人莫撻其鋒身被重創猶持刃不退盤踞山洞劫掠鄉隣順治十年癸巳郡將發兵捕斬之

康熙十三年甲寅曾若干通叛逆自署總兵領衆數千攻寧城人心危懼郡縣兵合禦之若干敗退寧人散居山砦城內蕭條疾疫繁興

謝三總名思禮福建人佃耕寧田後夥身逆藩於康熙十四年十二月十三夜統領賊衆焚劫李家坊殺戮男婦不可勝計

十六年滇僞將韓大任陳堯年襲破吉安我兵圍之潰走大任自暘霽抵黃陂堯年自竹篙嶺至緣村殺擄甚慘韓寇過暘霽時居民逃聚蓮花寨韓攻之急

寨內銃傷步卒數十人寇駐城江怒命屠之寨民恐  
愁逃匿他處寇獲鄉民胡元紹問匿所不肯言賊斷  
其左右臂罵曰我以一命活衆生所甘心也遂死十  
月我兵雲集攻之賊撤營走汀州

閩廣客民流寓寧邑賃畊聚黨竟至猖獗康熙戊辰  
間有李矮李滿王煥英等恃衆抗租田主莫敢誰何  
遂據砦行劫貢生彭榮仁鄧珣武舉曾先定相繼鳴  
官邑令李聘袒護榮仁子先成顛臺省姪揆文導參  
將王國忠引兵捕獲隨經題達矮等以亂民伏法

寧都縣志

卷七

記事兵寇

十

李令亦革職

雜說

齊建元元年己未王廣之仕武帝以征伐功封寧都縣子

晉封為侯

永明中封蕭子顯寧都縣侯

梁天監元年封平南將軍楊公則寧都縣侯邑千五百戶

子眺嗣

陳永定元年武帝封從孫敬雅寧都縣侯邑五百戶

南唐胡雄有神術流賊入寇坐城上自稱胡太公跨一巨

足下掩城門賊駭而退歿後土人祀為神名太公廟  
明永樂間邱隆居龍華山山有潭隆嘗就浴一日晨往過  
午不歸其母往視則鱗鬣遍體將化龍向母叩別母  
號泣留之隆曰可持兒平日所臥草裯來既至就潭  
洗之授母曰有病者以莖草燒灰服之即愈此裯可  
以贍母天年也俄而雷電晦冥遂失隆所在里人遇  
旱輒禱之曰邱龍王神

蕭福保故樵者一日偕其侶入山道逢蛇戲一珠鮮  
麗可愛福保拾之寘諸衣帶間行不數十武珠墮蛇

仍戲如前福保異之遂投諸口珠忽下咽尋覺體熱  
渴欲得水因浴潭中視兩脇生白鱗令同侶促其妻  
來亦下潭中胥化玉龍而去今猶潛於蓮花武頭諸  
山湫四時能作雲雨歲旱禱之輒應

陳雷公失其名素精五雷法時郡幕墨吏也署寧篆  
會天旱粟拘令祈雨且立限期怵以刑陳笑頷之既  
登壇署一聯云三日登壇三日雨一聲令板一聲雷  
至三日<sub>午日</sub>方烈郡幕倦臥齋中陳遣人促跪迎雨郡  
幕恚命積薪壇側俟其不驗將焚之陳乃以新筭蘸

墨烟於簸箕橫抹之輒有黑雲起須臾箕上皆墨烟則滿天皆黑雲大雨如注雷電交作陳拍令扳疾呼曰有貪官幸爲我殛之每呼雷輒應聲而震郡幕見其神異戰慄跪雨中懾伏不敢起邑父老請之陳陳乃令起歸郡幕尋病殞

凌雲山界宜黃永豐興國諸縣間有山野人萬曆中來居是山不受結繩書契聽其言語類廣之排猺均鬼或曰閩之海島所居民也其俗女勤而男惰以耕織自足性能食諸虫毒冬夏無寒熱二十年種漸繁

後稍稍徙去

凌雲山牙鼓洞傳漢高祖祖墓軾天下名墓圖中每三月大風雨里人呼漢王醮祖其山峻聳雄偉形家指石山如旗鼓左右各十二峰爲二十四帝古謠云頭作江西省尾作漢朝天鄉人有盜塋其腋者雷輒掘去之明崇禎間邑令時公同翰林曾公徒步造其巔天日清明方欲展羅經相視而雷電交作震撼山樹令公懼狼狽下山相傳古有來寧都放無利債者一日見老人引之去登此山令坐其處山遂合為天

塋云

金精山巘高數百尺有二木鶴二女仙乘之鐵鎖懸於巘下二鶴恒隨四時轉不差忒百勝軍小將陳師粲嘗與鄉里女子遇於岩下求娶焉女子指鶴曰若能射中此目乃許師粲一發而中臂即無力歸而病卧見女道士繞床行以手掩其目數回而去竟失明卒所射之鶴自爾不復轉其一如故

稽神錄

金精曲水流觴處有異人以白玉盃飲於泉側酒闌反掌置盃入石中徑寸遊觀者力取之莫能動明弘

寧都縣志

卷七

記事雜說

十三

治間一縣令恠而鑿之遂缺盃底一角

魚尾石爲掛榜山遇大此年有登賢書者裂墜石塊如數

李村有泉自石罅中出熱如沸湯蒸如雲氣投鷄子於中輒熟傳楊筠松僑寓時有鄉人館穀甚厚而臧獲頗厭之楊乃辭去以杖扣石出泉凡三坎蓋以酬其湯沐之勞云

獻花塘鄭氏祖地美女形未塋之先堪輿小其有狀元之貴欲以畀人夜夢女子攜扇行歌曰他家兩事

已全無苦苦何須逼嫁奴直待三年五載後妾身情  
願嫁樵夫鄭氏祖以採薪為業一日渴飲泉水土崩  
壓遂葬焉後出鄭獬